



Organizacioni komitet XIV zimskih olimpijskih igara
Jugoslavija - Sarajevo 1984



ZAJEDNICA OSIGURANJA IMOVINE I LICA »SARAJEVO« U SARAJEVU

**UGOVOR
O OSIGURANJU**
Sarajevo, marta 1983.

ORGANIZACIONI KOMITET XIV
ZIMSKIH OLIMPIJSKIH IGARA
JUGOSLAVIJA-SARAJEVO 1984.

IZVRŠNI KOMITET

i

ZAJEDNICA OSIGURANJA IMOVINE
I LICA "SARAJEVO" U SARAJEVU

UGOVOR O OSIGURANJU

imovinskih interesa Organizacionog komiteta XIV zimskih olimpijskih igara Jugoslavija-Sarajevo 1984. u vezi sa organizovanjem i održavanjem XIV zimskih olimpijskih igara koje će se održati u Sarajevu
1984. godine

Sarajevo, marta 1983. godine.

Na osnovu člana 2. 6. i 9. Sporazuma o saradnji i osiguranju, zaključenog u Sarajevu 25. februara 1982. godine između Organizacionog komiteta XIV zimskih olimpijskih igara Jugoslavija - Sarajevo 1984. i Zajednice osiguranja imovine i lica "Sarajevo" iz Sarajeva, Izvršni komitet Organizacionog komiteta XIV zimskih olimpijskih igara Jugoslavija - Sarajevo 1984. sa sjedištem u Sarajevu, ulica JNA broj 23, koga zastupa Anto Sučić, i Zajednica osiguranja imovine i lica "Sarajevo" sa sjedištem u Sarajevu, ulica Tome Masarika broj 10, koju zastupa Božo Tadić,
z a k l j u č u j u

UGOVOR O OSIGURANJU

imovinskih interesa Organizacionog komiteta XIV zimskih olimpijskih igara Jugoslavija - Sarajevo 1984. u vezi sa organizovanjem i održavanjem XIV zimskih olimpijskih igara koje će se održati u Sarajevu 1984. godine

Član 1.

Ovim ugovorom Organizacioni komitet XIV zimskih olimpijskih igara Jugoslavija - Sarajevo 1984. (u daljem tekstu: Osiguravnik) i Zajednica osiguranja imovine i lica "Sarajevo" Sarajevo (u daljem tekstu: Osiguravač) saglasili su se da Osiguravnik preda a Osiguravač primi u osiguravajuće pokriće imovinske interese Osiguravnika u vezi sa organizovanjem i održavanjem XIV zimskih olimpijskih igara, gdje je Osiguravnik isključivo tijelo koje djeluje kao domaćin i vodi pomenute igre saglasno ugovoru između Osiguravnika i Medjunarodnog olimpijskog komiteta (MOK-a).

PREDMET UGOVORA

Član 2.

Osiguravajuće pokriće imovinskih interesa Osiguravnika obuhvata razne ugovore o sponzorstvu i vlasništvu licenci, u koje je ušao Osiguravnik, uključivo zaključen ugovor o prodaji TV prava američkoj korporaciji ABC SPORTS (u daljem tekstu ABC Njujork, po uslovima po kojima su odgovarajući sponzori i vlas-

nici licenci platili i/ili su ugovorili da plate Osiguraniku kao naknadu za date licence i data prava po ugovorima za izvjesne naknade, najamnine i druge sume.

OSIGURAVAJUĆE POKRIĆE

Član 3.

- Predmet pokrića 1. Po ovom pokriću Osiguraniku se naknadjuje njegov pretrpljeni procjenjeni gubitak za unaprijed ugovorena plaćanja za pomenute licence te prava koja su zadržana od i/ili obavezno vraćena navedenim sponzorima i/ili vlasnicima licenci.
- Predmet pokrića 2. Osiguraniku se po ovom pokriću naknadjuje njegov pretrpljeni procjenjeni gubitak za plaćene iznose Osiguraniku od strane ABC-a i drugih TV kompanija saglasno ovom Ugovoru po zaključenim ugovorima sa Osiguranikom koje je obavezan vratiti.
- Predmet pokrića 3. Po ovom pokriću ovog Ugovora Osiguraniku se naknadjuje njegov pretrpljeni procjenjeni gubitak za bilo kakvo smanjenje plativih iznosa ABC-u od Osiguranika dogovoreno između osiguranika i ABC-a po pomenutom ugovoru između osiguranika i ABC-a u skladu s ovim ugovorom.
- Predmet pokrića 4. Prema ovom pokriću osigurava se odgovornost Osiguranika za štete pričinjene trećim licima.

OSIGURANE OPASNOSTI - RIZICI

I

SUME OSIGURANJA - LIMITI

Član 4.

U okviru suma osiguranja navedenih u ovom članu, a u smislu ovog Ugovora osiguranjem su obuhvaćene slijedeće opasnosti - rizici i to:

1. Prihodi Osiguranika po osnovu ugovora o sponzorstvu i licencnih i drugih ugovora prema Pokriću 1. prethodnog člana osigurani su jedino i direktno od

potpunog otkazivanja ili odlaganja Igara, ili napuštanja svih takmičenja preostalih da se održe u vezi sa Igrama, ili premještanja takmičenja u mjesto ili mjesta pretežno izvan Sarajeva, Jugoslavija

zbog nekog uzroka van kontrole Osiguranika, MOK-a i drugih učesnika Igara.

Prihodi Osiguranika iz prethodnog stava ovog člana osigurani su do ukupno

US 40.000.000.- dolara

2. Prihodi po osnovu ugovora Osiguranika sa ABC TV kompanija Japana, TV Kompanije Kanada, Evrovizije i Intervizije prema pokriću 2. prethodnog člana osigurani su za slučaj raskida pomenutih ugovora iz razloga:

- 2.1. što nisu u mogućnosti da pokriju ili emituju sve ili bitno većinu Igara u živo ili istog ili narednog dana na odloženoj bazi:

- 2.1.1. kao rezultat spriječenosti da prime osnovni signal (kako je to definisano u ugovoru između Osiguranika i navedenih TV centara.

2.1.2. kao rezultat prekida ili neuspjeha prenosa njihovog signala na bilo kojoj tački u Jugoslaviji do i uključujući bilo koju satelitsku stanicu na zemlji, mikrotalasi relej ili nadzemni vod, smješten unutar granica Jugoslavije, i/ili

2.1.3. zbog bilo kojeg drugog uzroka izvan kontrole Osiguranika i navedenih TV centara

ili

2.2. što je cijeli američki olimpijski tim spriječen da učestvuje u Igrama tokom cijelog trajanja Igara zbog bilo kojeg uzroka izvan kontrole članova navedenog tima i Olimpijskog komiteta SAD.

ili

2.3. što su dvadeset (20) ili više od stotinu (100) vodećih takmičara svjetske klase u zimskim sportovima (osim u hokeju) koji čine program Igara i jedan (1) od šest (6) vrhunskih svjetskih hokejaških timova, specificiranih u listi B ugovora između Osiguranika i ABC spriječeni da učestvuju na Igrama tokom cijelog njihovog trajanja, jedino i direktno zbog njihove pretrpljene smrtonosne ili nesmrtonosne slučajne povrede koja nastaje prije ceremonije otvaranja Igara.

ili

2.4. što se bilo koja od četiri (4) glavne sportske discipline (hokej, umjetničko klizanje, alpsko skijanje i brzo klizanje), potpuno otkazuje jedino i direktno zbog:

- fizičkog uništenja i/ili štete na zgradama i/ili opremi i/ili uređaja
i/ili
- električne i/ili mehaničke greške, loma ili lošeg funkcionisanja opreme i/ili uređaja
i/ili
- nepovoljnih vremenskih uslova koji nastaju prije ceremonije otvaranja Igara.

Prihodi Osiguranika iz prethodnog Pokrića 2. osigurani su na ukupno

USA 30.000.000.- dolara

3. Prihodi po osnovu ugovora Osiguranika sa ABC prema Pokriću br. 3. prethodnog člana osigurani su za slučaj dogovorenog smanjenja prihoda iz razloga:

3.1. što su dvanaest (12) ili više od stotinu (100) takmičara specificiranih u listu B ugovora između Osiguranika i ABC spriječeni da učestvuju na Igrama tokom cijelog njihovog trajanja, jedino i direktno kao posljedica njihove pretrpljene smrtonosne i nesmrtonosne tjelesne povrede, koja nastaje prije ceremonije otvaranja Igara na ukupno

USA 5.000.000.- dolara

ili

3.2. što se bilo koje sportske discipline (osim one četiri koje su navedene u tač. 2.4. člana 4. ovog Ugovora) potpuno otkazuju jedino i direktno kao posljedica:

- fizičkog uništenja i/ili štete na zgradama i/ili opremi i/ili uređajima;

i/ili

- električne i/ili mehaničke greške, loma ili lošeg funkcionisanja opreme i/ili uređaja,

i/ili

- nepovoljnih vremenskih uslova

Koji nastaju prije ceremonije otvaranja Igara na ukupno

USA 5.000.000.- dolara

3.3. ako dodje do smanjenja ili skraćenja broja cijelih dana Igara zbog nekog Uzroka izvan kontrole Osiguranika, MOK-a i drugih učesnika Igara, na

USA 2.500.000.- po danu, ali
USA30.000.000.- ukupno

ili

3.4. Zbog smanjenja broja cijelih dana prenošenih Igara, zbog nekog uzroka van kontrole Osiguranika i ABC-a na

USA 2.500.000.- dolara po danu, ali
USA30.000.000.- dolara ukupno.

Podrazumjeva se i ovim Ugovorom utvrđuje, da je ukupna i maksimalna obaveza Osiguravača za pokriće iz člana 4. ovog Ugovora ograničena na ukupno

USA 40.000.000.- dolara

Pokrića iz čl. 4. od tač. 2.2. i dalje ne odnose se na TV kompanije Japana, TV kompanije Kanade, evroviziju i interviziju.

4. Odgovornost Osiguranika prema članu 3. - Predmet pokrića 4. ovog Ugovora obuhvata odgovornost Osiguranika prema trećim licima za štete uslijed događaja koji imaju za posljedicu smrt, tjelesne povrede i narušenje zdravlja kao i uništenje odnosno oštećenje stvari trećih lica, uključiv i odgovornost Osiguranika za proizvode.

Osiguranje odgovornosti Osiguranika uključuje i osiguranje odgovornosti:

- takmičara prema gledaocu,
- takmičara prema takmičaru,
- sudije prema takmičaru i
- sudije prema sudiji.

Osiguranje odgovornosti uključuje i odgovornost uprava i osoblje hotela, koje je Osiguranik angažovao za smještaj gostiju, takmičara i drugih, pod uslovom da odbijaju svoju odgovornost pokrivenu po ovom ugovoru u svim onim slučajevima kada su prekršeni uobičajeni odnosno zakonski propisi.

Osiguranje odgovornosti po ovom ugovoru uključuje odgovornost Osiguranika i za štete zbog nesavjesnih postupaka medicinskog osoblja.

Odgovornost Osiguranika prema trećim licima je pokrivena do

USA 10.000.000.- dolara

po svakom pojedinačnom događaju i neograničeno za cijeli osigurani period, osim u slijedećim slučajevima:

- u slučaju odgovornosti za produkte ukupno pokriće iznosi

USA 10.000.000.- dolara

- u slučaju nesavjesnih postupaka medicinskog osoblja ukupno pokriće iznosi do

USA 1.000.000.- dolara

- po svakom događaju i ukupno
- odgovornost hotela u vezi sa pažnjom, čuvanjem i nadzorom na stvarima gostiju na ukupno

USA 50.000.- dolara

po svakom pojedinom hotelu.

ISKLUČENJE IZ OSIGURANJA

Član 5.

Prihodi Osiguranika po osnovu ugovora o sponzorstvu i licencnih i drugih prava osigurani za slučajeve potpunog otkazivanja ili odlaganja Igara, ili napuštanja svih takmičenja, preostalih da se održe ili premještaja Igara na borilište ili borilišta pretežno izvan Sarajeva, Jugoslavija te prihodi Osiguranika po osnovu ugovora o prodaji TV prava ABC-u za Pokrića 1, 2. i 3. iz člana 3. i osigurane opasnosti prema čl. 4. tačka 1, 2. i 3. ovog Ugovora nisu osigurani od slijedećih opasnosti - rizika:

- rata i građanskog rata (u skladu sa tekstom engleske klauzule NMA 464, koja je prilog ovog Ugovora),
- finansijskih uzroka i/ili nedostatka potpore.
- rizici prema priloženoj klauzuli o radio-aktivnim zagadjivanjima (slučajevima),
- zemljotresa bilo direktno ili indirektno,

- bilo koji odštetni zahtjev koji nastaje direktno ili indirektno uslijed neučestvovanja i/ili povlačenja bilo kojeg nacionalnog tima ili timova, bilo dobrovoljno ili kao rezultat zavodjenja i/ili nametanja nekog zakona ili odluke, naredbe ili propisa koji imaju snagu zakona koji spriječava učestvovanje rečenog tima ili timova.

Rizici rata i građanskog rata, kao i rizik zemljotresa, mogu biti pokriveni, ali pokriće ovih rizika Osiguranik i Osiguravač treba da posebno ugovore.

Isključenje rizika neučestvovanja i/ili povlačenja ne odnose se na nacionalni olimpijski tim SAD, osim ako je cijeli nacionalni olimpijski tim SAD bio spriječen da učestvuje na Igrama tokom cijelog trajanja Igara zbog bilo kojeg uzroka izvan kontrole članova pomenutog tima i Olimpijskog komiteta SAD.

Član 6.

Osiguranje odgovornosti Osiguranika, za Pokriće 4. za opasnosti čl. 4. tač. 4. ovog Ugovora, ne pokriva slijedeće opasnosti - rizike:

- odgovornost MOK-a,
- odgovornost iz upotrebe registrovanih motornih vozila,
- sudsku nadležnost SAD,
- imovinske štete do iznosa od US \$ 250.- a u štetama preko US \$ 250.- Osiguranik u svakoj šteti učestvuje u iznosu od US \$ 250.-

TRAJANJE OSIGURANJA

Član 7.

Prihodi Osiguranika po osnovu ugovora o sponzorstvu i licencnih i drugih prava osigurani za slučajeve otkazivanja ili

odlaganja Igara, ili napuštanja svih takmičenja preostalih da se održe ili premještaja Igara, te prihodi Osiguranika po osnovu ugovora o prodaji TV prava ABC-u prema Pokrićima 1, 2. i 3. čl. 3. za osigurane opasnosti iz čl. 4. tačka 1, 2. i 3. ovog Ugovora - osigurani su za trajanje od

dana potpisivanja ovog ugovora

do

19. februara 1984. godine uključiv oba dana, odnosno do kraja trajanja Igara, a najdalje do uključivo 29. februara 1984. godine.

Član 8.

Osiguranje odgovornosti Osiguranika prema trećim licima prema Pokriću 4. čl. 3. i za osigurane opasnosti iz čl. 4. tač. 4. ovog Ugovora, počinje 7. januara 1984. godine i traje do 5. marta 1984. godine, uključiv oba dana.

PREMIJA OSIGURANJA

Član 9.

Za osiguranje prihoda Osiguranika po osnovu raznih ugovora o sponzorstvu i licencnih i drugih prava za ugovorene sume osiguranja i opasnosti otkazivanja ili odlaganja Igara, ili napuštanja svih takmičenja preostalih da se održe ili premještaja Igara prema Pokriću 1. čl. 3. i čl. 4. tač. 4.1. te prihodi po osnovu ugovora o prodaji TV prava ABC-u prema Pokrićima 2. i 3. iz čl. 4. tač. 2. i 3. ovog Ugovora, Osiguranik se obavezuje da plati Osiguravaču premiju osiguranja u ukupnom iznosu od

USA dolara 1.000.000.-

plativo u US dolarima u slijedećim rokovima:

- 50 % odmah po zaključivanju ovog Ugovora,
- 25 % do 10. aprila 1983. godine i
- 25 % 1. jula 1983. godine.

Član 10.

Za osiguranje odgovornosti Osiguranika prema trećim licima, prema Pokriću 4. čl. 3. i čl. 4. tač. 4. ovog Ugovora, Osiguranik se obavezuje da plati Osiguravaču premiju osiguranja u ukupnom iznosu od

USA dolara 102.500.-

plativo u US dolarima:

- 50% odmah po zaključenju ovog Ugovora,
- 25% do 10. aprila 1983. godine,
- 25% do 10. januara 1984. godine.

REGULISANJE NAKNADA IZ OSIGURANJA
(ISPLATA ODŠTETA)

Član 11.

Osiguranik je dužan obavijestiti Osiguravača o nastupanju osiguranog slučaja, odnosno rizika koji je pokriven po ovom Ugovoru, najkasnije u roku od 3 dana od dana kada je to saznao.

Osiguranik je dužan da pruži Osiguravaču sve potrebne informacije i dokaze u odnosu na uzrok, vrijeme i visinu štete, kao i druge informacije koje Osiguravač eventualno zatraži.

Osiguravač se obavezuje da u skladu sa ovim Ugovorom obešteti Osiguranika za njegov procjenjeni neto gubitak prihoda po osnovu raznih ugovora o sponzorstvu i licencnih ugovora koji Osiguranik pretrpi:

- zbog potpunog otkazivanja ili odlaganja Igara, ili napuštanja svih takmičenja preostalih da se održe u vezi sa Igrama, ili premještanja takmičenja u mjesto ili mjesta pretežno izvan Sarajeva, Jugoslavija,
- što ABC nije u mogućnosti da pokrije ili emituje sve ili bitno većinu Igara u živo ili istog ili narednog dana,
- za slučajeve što je prema ugovoru s ABC dužan da vrati dogovorene iznose.

Osiguravač se takodjer obavezuje da će u skladu sa ovim Ugovorom obeštetiti Osiguravanika za sve štete koje je obavezan da naknadi iz osnova odgovornosti prema trećim licima.

Osiguravnik može da uz prethodnu saglasnost Osiguravača i/ili uz učešće Osiguravača pregovara o regulisanju naknada iz ovog Ugovora.

Osiguravnik je saglasan da će reosiguravači, kod kojih ovaj Ugovor reosigura Osiguravač, imati pravo da vode i kontrolišu likvidaciju svakog odštetnog zahtjeva.

Osiguravač je dužan da u skladu sa plaćanjem premije osiguranja u dinarima ili US dolarima ili kombinovano i prema odgovarajućim propisima o plaćanju odštete u stranim sredstvima plaćanja, isplati Osiguravniku naknadu iz osiguranja u dinarima ili US dolarima u roku od 30 dana računajući od dana kada su u skladu sa ovim Ugovorom utvrdjeni postojanje obaveze Osiguravača i iznos njegove obaveze (visina naknade štete).

USLOVI OSIGURANJA I KLAUZULE

Član 12.

Na osiguranja koja su predmet ovog Ugovora primjenjivaće se slijedeći uslovi i klauzule:

- Opšti i posebni uslovi Osiguravača, ukoliko nisu u suprotnosti sa odredbama ovog Ugovora,
- Klauzula o hitnoj obavjesti kod štete,
- Klauzula o dužnoj pažnji,
- Klauzula o non-kontribuciji,
- Klauzula o subrogaciji. Ova klauzula neće se primjeniti u odnosu na pravo regresa Osiguravača prema JRT i PTT,
- Klauzula o utvrdjivanju procjenjenog gubitka,
- Klauzula o isključenju radioaktivnog zagadjivanja,
- Nema otkaza ili vraćanja premije za kraće interese (period pokrića),
- Prednost u pogledu tumačenja obima pokrića i naknade šteta u odnosu na ovaj Ugovor mogu imati uslovi reosiguravača Lojd's London.

Gornje klauzule se prilažu uz ovaj Ugovor i čine njegov sastavni dio.

Član 13.

U skladu sa zaključenim Sporazumom o saradnji i osiguranju, Osiguravač će maksimalno angažovati samoupravne organe i raspoložive stručne službe na uspješnoj realizaciji ovog Ugovora.

Član 14.

Ukoliko eventualne sporove koji nastanu u primjeni ovog Ugovora potpisnici ne mogu riješiti na bazi samoupravnog sporazumijevanja i dogovaranja i dobrih poslovnih odnosa, spor će riješiti stvarno nadležni sud u Sarajevu.

Član 15.


Ovaj Ugovor sačinjen je u 8 (osam) istovjetnih primjereka od kojih svaka ugovorna strana zadržava po 4 primjerka.

Član 16.

Ovaj ugovor stupa na snagu kada ga potpišu obje ugovorene strane.

ZA ZAJEDNICU OSIGURANJA
IMOVINE I LICA "SARAJEVO"
U SARAJEVU


Predsjednik Poslovnog
odбора



Božo Tadić

ZA ORGANIZACIONI KOMITET
XIV ZIMSKIH OLIMPIJSKIH
IGARA
JUGOSLAVIJA-SARAJEVO 1984.

Predsjednik Izvršnog komiteta



Anto Sučić

Datum: 4. aprila 1983. godine

Broj: 233/83



Datum: 4. aprila 1983. godine

Broj: 2834/83.



ORGANIZACIONI KOMITET XIV
ZIMSKIH OLIMPIJSKIH IGARA
JUGOSLAVIJA-SARAJEVO 1984.

IZVRŠNI KOMITET

i

ZAJEDNICA OSIGURANJA IMOVINE
I LICA "SARAJEVO" U SARAJEVU"

KLAUZULA-PRILOG UGOVOR O
OSIGURANJU

Sarajevo, marta 1983.

1. OPŠTI I POSEBNI USLOVI OSIGURAVAČA

PRIMJENJUJU SE USLOVI OSIGURAVAČA UKOLIKO
NISU U SUPROTNOSTI SA OVIM UGOVORIMA

2. KLAUZULA O HITNOJ OBAVIJESTI O ŠTETI

Po otkriću bilo kojeg slučaja koji može da traži oštećeni pod ovom policom, osiguranik će odmah obavijestiti osiguravača o ovakvom slučaju.

3. KLAUZULA O DUŽNOJ PAŽNJI

Osiguranik treba da bude pažljiv da odobrava izvršenje svih ovih stvari koje se razložno primjenjuju da bi se izbjegao ili umanjio svaki osigurani gubitak i da se shvati i saglasi da ova Polica obuhvaća nadoknadu osiguraniku za njegov utvrdjeni gubitak vezan za izdatke sitnih troškova ili za povećane troškove kojima se neophodno izvrgao da bi se izbjeglo ili umanjilo time prouzrokovani gubitak, koji međutim ni u kojem slučaju osiguravač neće prekoračiti maksimalne obaveze koje su limitom ove Police utvrdjene.

4. NON-CONTRIBUTION KLAUZULA

Ovo osiguranje ne pokriva nikakav gubitak ili štetu koja je u vrijeme događaja takvog gubitka ili štete osigurana ili bi bila osigurana u toku postojanja ove police od bilo koje druge postojeće police ili polica osim u slučaju prekoračenja preko iznosa koji bi trebao biti plativ takvom drugom policom ili policama da ovo osiguranje nije bilo djelotvorno.

5. SUBROGACIONA KLAUZULA

Osiguranik pod ovom policom će na zahtjev i na troškove osiguravača učiniti, sadejstvovati i dozvoliti da se učine svi takvi akti i stvari koje bi mogle biti neophodne ili s razlogom tražene od osiguravača u cilju primjene svakog prava i pravne pomoći ili zadobijanja olakšica ili obeštećenja od drugih učes-

nika koje će osiguravač ovlastiti ili bi ovlastio da ga zastupaju za plaćanje svakog gubitka pod ovom policom bilo da će takvi akti i stvari biti ili će postati neophodni ili traženi prije ili poslije obeštećenja osiguranika od osiguravača.

6. KLAUZULA O UTVRDJIVANJU PROCJENJENOG GUBITKA

Utvrđeni procjenjeni gubitak prije isplate naknade osiguraniku umanjice se za sve izvršene povraćaje, regrese spašavanja (spasene vrijednosti) i za eventualne naplate šteta po bilo kojim drugim osiguranjima.

7. KLAUZULA ISKLJUČENJA RADIOAKTIVNE KONTAMINACIJE

Polica ne pokriva nikakav gubitak direktno ili indirektno proizrokovan ili koji mu doprinosi ili potiče od:

1. Jonizirajuće radijacije ili kontaminacije od radioaktivnosti od bilo kojeg nuklearnog goriva ili od nekog nuklearnog otpatka pri izgaranju nuklearnog goriva.
2. Radioaktivnog, otrovnog, eksplozivnog ili drugih hazardnih osobenosti nekog eksplozivnog nuklearnog skupa ili nuklearnih komponenata.

8. NEMA OTKAZA ILI VRAĆANJE PREMIJE ZA KRAĆE INTERESE (PERIOD POKRIĆA)

ZA ZAJEDNICU OSIGURANJA
IMOVINE I LICA "SARAJEVO"
U SARAJEVU

ZA ORGANIZACIONI KOMITET XIV.
ZIMSKIH OLIMPIJSKIH IGARA
JUGOSLAVIJA-SARAJEVO 1984.

Predsjednik Poslovnog
odbora

Predsjednik Izvršnog komiteta

Božo Tadić

Anto Sučić

Datum: 4. aprila 1983. godine

Broj: 2834/83



Datum: 4. aprila 1983. godine

Broj: 2834/83.

ORGANIZACIONI KOMITET
XIV ZOI SARAJEVO '84.

07-5878/83

20.10.

83.

8698/83

od 19.10.1983.

Na vaš zahtjev, obavještavamo vas da smo saglasni da se u Ugovor o osiguranju, zaključenog 4. aprila 1983. godine, naš broj 2333/83, vaš broj 2834/83, uključi sljedeći tekst:

"9. Klauzula o prenosu dijela prava na Medjunarodni olimpijski komitet

Osiguravač je saglasan da će od ukupnog iznosa šteta, ako ih bude, usljed otkazivanja i/ili napuštanja i/ili prenošenja Igara, biti plaćeno MOK-u iznos od 5,000.000 US dolara.

Ovo plaćanje će biti izvršeno prije bilo kojeg plaćanja osiguraniku".

Drugarski vas pozdravljamo.

PREDSJEDNIK POSLOVODNOG ODBORA

20 Božo Tadić